

INUIT ATAQATIGIIT

INATSISARTUNI



UPA 2015/131

24. marts 2014

Múte Bourup Egede

Akuunerulersitsinissaq pillugu Naalakkersuisut nalunaarusiamik saqqummius-sinissamut
Inatsisartunit suliakkerneqarnissaannik aalajangiinissamut siunnersuut. Nalunaarusiam
ersersinneqassaaq inatsisartut oqaatsit pillugit inatsisaanni § 5, imm. 1 naapertorlugu kalaallisut
oqaatsinik ilinniarnissamut pisinnaatitaaffik qanoq sunniuteqarnersoq, sunniutaalu
naammaginartutut isigineqarsinnaanersoq. Taamaanngippat sunniutaasup amigaataanerani
naammaginanginneraniluunniit aporfiiq suunersut paasissutissiisutigineqarnissaat
kissaatigineqarpoq. Nalunaarusiam oqaatsinik ilinniarnissamut pisinnaatitaaffiup inatsimmi § 5, imm.
2 tunngavigalugu nalunaarusiuunneqarnissaa tamatumalu qanoq pinissaa inassutigineqassaaq.
Peqatigitillugulu nunatsinni inuaqatigiinnut, kulturimut, ileqqunut, peqatigeeriaatsinut
naleqartitanullu tunngatillugu assigisaanik malittarisassaqartoqarnissaanik pisariaqartit-
sisoqarnersoq nalunaarusiam naliliisoqassaaq.

(Inatsisartunut ilaasortaq, Juliane Henningsen, Inuit Ataqatigiit)

Siullertut Inuit Ataqatigiinnit siunersuuteqartoq, Juliane Henningsen, aaliangiassatut siunnersuutaanut
soqutiginartumut qujaffigerusupparput.

Oqaatsit kinaassutsitsinnut pingaaruteqarlutillu tunngavileeqataasartuupput.
Attaveqatigiinnissamuttaaq imminullu paaseqatigiinnissamut oqaatsit sakkuupput
pinngitsoorneqarsinnaanngitsut.

Kalaallisut oqaatsitta nukittuumik inissismajuarnissaat Inuit Ataqatigiit pingartitaraat. Soorluttaaq
aamma allamiut oqaasiinik, soorlu tuluit danskillu oqaasiinik piginnaasaqarluarnissarput pingartutut
isigigipput. Nunatsinnimi oqaatsitigut piginnaasaqarluernerput tassaasussaavoq
nunarsuarmioqatitsinnik suleqateqarlurnissatsinnik tunngaviliisussaq.

Nunanit allanit tikillutik nunatsinnut nunassittartut kulturitta minnerungitsumillu oqaatsitta
paasisimasaqarfiginerulerlugillu ilikkarnissaanut kaammattorlugillu aqqutissiuunnissaat
pingaaruteqarpoq. Inuaqatigiinnimi akuunerulersinnissaat taamaaliornikkut
aqqutissiuunneqarluarsinnaammat. Akuunerulersinerneruttaaq inuaat assigiinngitsuugaluarluta
immitsinnut paaseqatigiinnerulernissarput taamaallutalu ataatsimoornerulernissarput
tunngavileeqataaffigilluarsinnaavaa.

Uani aaliangiiffigisassatut siunnersummi siunertaasoq tassalu akuunerulersitsinissaat
inatsisiliarineqarsimasut qanoq sunniuteqarsimaneranik nalilersuisoqarnissaanik kissaateqarneq Inuit
Ataqatigiinni tamakkiisumik taperserparput. Iluarismaarparpullu Naalakkersuisut UKA 2016-im
oqaatsit pillugit nalilersuinissaat una siunnersuut nalilersuinermi ilanngukkumammasuk.

Aaliangiiffigisassatut siunnersuut ataatsimiitsitaliamut ingerlateqqinnissaa innersuussutigaarput.
Ataatsimiitsitaliallu suliaqarnermini susassaqartut soorlu Sulisitsisut akutissinnaagaat
kaammattutigaarput. Taakkuppummi nunatsinni akuunerulersitsinissaat
toqqammavileeqataalluarsinnaasut.